

**BOSNA I HERCEGOVINA  
FEDERACIJA BOSNE I HERCEGOVINE  
REGISTAR VRIJEDNOSNIH PAPIRA U  
FEDERACIJI BOSNE I HERCEGOVINE**

Broj: 04-9-245/19  
Sarajevo, 10.01.2019. godine

Na osnovu člana 70. stav 3. Zakona o javnim nabavkama Bosne i Hercegovine („Službeni glasnik BiH“, broj 39/14), člana 49. Statuta Registra vrijednosnih papira u Federaciji Bosne i Hercegovine („Službene novine Federacije BiH“, br. 26/09 i 44/11) Pravilnik o javnim nabavkama broj: 04-3-NO-37-2273/16 od 18.02.2016. godine, te Zapisnik Komisije za provođenje postupka javne nabavke u Registru vrijednosnih papira o pregledu i ocjeni ponuda broj 04-9-228/18 od 09.01.2019. godine, direktorica Registra u saglasnosti sa zamjenikom direktorice Registra, d o n o s i:

**O D L U K U**  
**o odabiru ponuđača „GODIMERC“ d.o.o. Sarajevo**  
**za nabavku pet personalnih računara i monitora**

**I**

Ovom odlukom prihvata se ponuda ponuđača „GODIMERC“ d.o.o. Sarajevo za nabavku pet personalnih računara i monitora, dostavljena provođenjem postupka Konkurentskog zahtjeva, sa objavom obavještenja na Portalu javnih nabavki. Ponuda ponuđača „GODIMERC“ d.o.o. zaprimljena je u Registru pod brojem: 04-14526/18 dana 21.12.2018. godine, te dopuna ponude nakon izmjene tenderske dokumentacije broj 04-14758/18 dana 27.12.2018. godine.

**II**

Cijena za robu iz tačke I ove odluke iznosi: 11.625,00 KM bez PDV-a.

**III**

Odluka stupa na snagu danom donošenja.

**Obrazloženje**

Odlukom o provođenju postupka konkurentskog zahtjeva za dostavljanje ponuda za nabavku personalnih računara i monitora broj: 04-9-14304/18 od 14.12.2018. godine pokrenut je postupak Konkurentskog zahtjeva uz objavu obavještenja na Portalu javnih nabavki, obavještenje broj: 96-7-1-42/18 te izmjena tenderske dokumentacije broj: 96-7-1-42-3-14/18. Komisija za provođenje postupka javne nabavke u Registru za vrijednosne papire u Federaciji BiH (u daljem tekstu: Komisija), imenovana odlukom Uprave Registra vrijednosnih papira u Federaciji BiH broj: 04-3-2278/15 od 25.02.2015. godine, Odlukom o izmjeni Odluke o imenovanju Komisije za provođenje postupka javne nabavke u Registru broj 04-3-11646/15 od 15.09.2015. godine i Odlukom o dopuni Odluke o imenovanju Komisije za provođenje postupka javne nabavke u Registru

vrijednosnih papira u Federaciji BiH broj 04-2-2-13039/17 od 23.11.2017.godine, provela je postupak Konkurentskog zahtjeva.

Ponudač „Hertronic“ d.o.o. Grude postavio je pitanje/pritužbu vezano za autorizaciju i dokaz o ovlaštenim partnerima, te sugerisao da se izvrši izmjena tenderske dokumentacije u dijelu koji se odnosi na naprijed navedeno a definisano je u tački 3.5. i tački 3.6. tenderske dokumentacije. Registar je razmotrio navedeno, te nakon konsultacija obavljenih sa savjetodavnim servisom dana 21.12.2018. godine na Portalu javnih nabavki izvršio izmjene tenderske dokumentacije. Saglasno odredbama Zakona o javnim nabavkama rok za dostavu ponuda je produžen za sedam dana, i u ostavljenom roku blagovremeno su pristigle ponude ponuđača: „Godimerc“ d.o.o. Sarajevo, „mojit“ d.o.o. Sarajevo, dvije dopune ponude sa novim prijedlogom ugovora od navedenih ponuđača te ponuda ponuđača „Hertronic“ d.o.o. Grude.

Komisija za provođenje postupka javne nabavke je dana 31.12.2018. godine u 9:30 sati izvršila javno otvaranje ponuda, a zapisnik sa otvaranja je dostavljen svim ponuđačima. Nakon izvršenog otvaranja ponuda komisija je pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji. Utvrđeno je da sve ponude ispunjavaju tražene kvalifikacione uslove utvrđene u tački 3. tenderske dokumentacije broj: 04-9-14304/18.

Polazeći od gore navedenih konstatacija, i činjenice da dostavljene ponude u pravnom, tehničkom i ekonomskom smislu ispunjavaju zahtjeve ugovornog organa, pristupljeno je zakazivanju e-aukcije koja je zakazana za dan 09.01.2019. godine sa početkom u 9,30 sati.

Nakon završenog perioda e-aukcije konstatovano je da nije bilo promjene cijena u odnosu na dostavljene ponude odnosno da je najniža cijena tehnički zadovoljavajuće ponude ponuda ponuđača „Godimerc“ d.o.o. Sarajevo koja se nije mijenjala nakon e-aukcije i iznosi 11.625,00 KM (bez PDV-a).

Komisija je pristupila vrednovanju ponuda shodno utvrđenom kriteriju: najniža cijena tehnički zadovoljavajuće ponude, te je utvrđena lista kako slijedi:

R.br.	PONUĐAČ	Cijena nakon završene e-aukcije KM (bez PDV-a)
1.	„Godimerc“ d.o.o. Sarajevo	11.625,00
2.	„mojit“ d.o.o. Sarajevo	11.760,00
3.	„Hertronic“ d.o.o. Grude	11.800,00

Komisija je dalje konstatovala da je cijena izražena u ponudi za nabavku robe iz tačke I ove odluke u skladu sa procijenjenom vrijednosti Plana nabavke Registra vrijednosnih papira u F BiH za 2018. godinu, te da ponuda ponuđača „Godimerc“ d.o.o. Sarajevo u ekonomskom i tehničkom smislu odgovara zahtjevima ugovornog organa. Komisija je predložila izbor ponuđača kao u dispozitivu iz razloga što je navedeni ponuđač dostavio prihvatljivu cijenu ponude te da ponuda zadovoljava u potpunosti uvjete i zahtjeve

definisane u tenderskoj dokumentaciji broj 96-7-1-42/18 te izmjena tenderske dokumentacije broj: 96-7-1-42-3-14/18.

Uprava Registra je od strane Komisije obavještena o navedenom, te je donesena odluka kao u dispozitivu.

**Pouka o pravnom lijeku:**

Ponudač koji je učestvovao u postupku nabavke može, radi zaštite svojih prava, u roku od pet dana od dana prijema Odluke o izboru najpovoljnijeg ponuđača izjaviti žalbu Registru vrijednosnih papira u Federaciji BiH.

Dostaviti:

1. Ponuđaču
2. arhivi Registra

